

KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

KATTANI AIAO INMANANI

Luk 24:13-35

GOLPO...



Jisuni sninggiparangara chu-gimikan jajaanio ong-atako man-aha. Uamangni Isolni songnokni gimin pilak ka-dongsoanirang aro niksamsanirangan Sukrobar salon chisolo datkapako man-ahachim. Duk aro jajaanian gape, Kleopas aro uni ripengrang mile sni chel-gipa ramako Jerusalemoni Emmausni chonggipa jillao donggipa an-tangtangni noktangona ka-sine re-angengachim. Uan Robibarni attamchibara sal napangahaon uamang gananggijagipa ramako re-angmitingo mande agital uamangni sepangona re-bae uamang baksa re-angpaaha. Ia agital mande an-tangtang baksa songregipara chakatpilatako man-gipa Gitel An-tangan ong-a ine uamang on-titisan u-iaichim.

Uamang baksa songrerimskana gisik nangbregija dake, sakgni sninggiparangde batanggimin antio ong-a obostani giminsa agangrikaniko dake ka-beanio ong-engachim. Jisu jrip dake knatimengon, Ua An-tangko ka-donggijanio ong-eggipa An-tangni ripengrangna parakna nangnikahachim. Indiba Gitel uamangko Uko u-ijachina, uamangni mikronrangko rim-tipaha maina uamang da-o Sastroko bang-bate ma-sibatna nangengachim. Kristo ia sakgni bebegipa ja-rikgiparangna Uara sawachim uko u-iatode Uni gamchatgipa bebe ong-anirangko سوالانiko knatimgija gisiko ding-atakosa man-gnokchim.

Bilsu gittam adhana uamang Uni skianirangko aro skiprakanirangko knagenchimoba, uamang Uni kam ka-ani gimin chanchisokatnan man-kujaengachim. Ua uamangna rongtalen aganaha, “Mandeni Depanteko manderangni jako on-gnok, aro uamang uko so-otgen; aro uko so-otmanoa sal gittamo ua chakatpilgen. Indiba uamang ia kattako u-ijaha, aro uo sing-naba kenaha.” Mark 9:31, 32.

Jisu ka-sine uamangni duk ong-e agangrikaniko dontongataha, aro konta gnimangna Ua uamangna pilak Sastroki aro katchinike seanirangni nangchongmotani gimin u-ichina agane on-aha.



PORAIANI

Sastroni podko poraie bangbangrango gapatbo.

1. Sastrorangni baditako bebe ra-china ge-etaha?

Luk 24:25 *Katchinikgiparangni aganarangko!*

2 Timothy 3:16 *Pilak Isolni dongimin ong-a.*

U-IE RA-ANI: Isolni rongtalgipa bebe ong-ani chu-gimikon Niam Gitcam aro Niam Gitalrango seanirango nikna man-a. Parape-ani katchinike seanirango ma-sina chabirangde Niam Gitcamni golporango mongsongbate man-na gita ama. Mesokatna, Parape-ani ki-tapo man-gipa ming 404 podrangoni ming 278 rangko Niam Gitcamo man-gipa golporang aro katchinike seanirangoniko man-na ama.

2. Sastrorang aro katchinike seanirango sako parape-a ine Jisu aganaha?

Luk 24:27 *Unikoa Mose aro pilak katchinikgiparang intaltal pilak Sastrorango gimin kattarangko Ua uamangna agane on-tokaha.*

Johan 5:39 *Na-simang Sastroniko am-a, maina ... aro gimin sakki on-gipa uan.*

Parape-a 1:1 *parape-a jeko Isol uni nokkolrangna mesokchina, chong-motan bakkak ong-gnirangko.*

U-IE RA-ANI: Pilak Sastroni aro katchinike seanio mongsonggipade Jisuan ong-a. Ia gisiko nangatgipa skie ra-anirang bang-a katchinike seanirango man-goppen, indiba gisik ra-bo je Daniel aro Parape-ani katchinike seanide mongsongbate Jisu Kristo aro Uni songnokni giminan ong-a.

3. Sastroo maia gipin bimungko Jisuna jakkalaha?

Johan 1:1 *Chengon gnanchim, aro Ua Katta Isol baksachim.*

Johan 1:14 *Aro be-en pil-aha, aro an-chingni gisepo dongaha.*

4. Maidakgipa manderangko Isol Sastroko sena jakkalaha?

2 Pitor 1:21 *Gisik Rongtalgipani dilako man-gipa manderang agana.*

LESSON 7

Luk 11:13 *Uni gimin na-simang namgija ong-eba an-tangtang dedrangna namnamako on-na u-iode, indide mairongpile salgio donggipa na-simangni Paa Uo gisik Rongtalgipako on-gen!*

Johan 7:17 *Saoba dakna skode, indide ua skia Isoloni ong-ama, anga an-tangoniko aganama, iako ua u-igen.*

U-IE RA-ANI: Gisik Rongtalgipani mitam kamde Sastrorangni bebe ong-aniko u-ina an-chingko dakchakanian ong-a. Uni giminsa an-ching pangnan Gisik Rongtalgipani dilaniko Isolni Ki-tapko oprakna skangba bi-na nangchenga. Angni Sastro poraianio angko Gisik Rongtalgipa dilenga ine iachi u-ina man-a, chong-motan (1) Anga Uko dilchina bi-ode, aro (2) Ua angna jedake parape-a uko ra-chakna skode aro bebeko ja-rikode.

9. Maikai Kattako bi-an baksa poraianiara an-chingko dakchaka?

Gitrang 119:11 *Angni ka-tongo Nang-ni kattako anga donaha, anga maikai nang-ni kosako .*

Jeremia 33:3 *Ango bi-bo unon nang-na , aro nang-ni dal-arangko aro nang-na mesokgen.*

Romrangna 15:4 *Maina badita sesoaha pilakon an-chingna skina , an-ching maikai ... man-gen.*

Jakob 1:5 *Indiba na-simangoni saniba sokjaode, ua Isoloniko bi-china, ... unon una on-gen.*

10. Maidake Sastroo Isolni kattako poraichina ku-pattianiko dakaha?

Isaia 28:10 *Maina donani kosako ge-ete donani, ... kosako niam, ... iano on-tisa, uano on-tisa ong-a.*

1 Korinthirangna 2:13 *Indiba gisiknirangko gisikrangna Gisikni skia kattarangchi.*

2 Pitor 1:20 *Maina katchinikani agana mandeni pangnaba re-baja.*

U-IE RA-ANI: An-ching an-tangtangni chanchianiko oksambengo donna nanga aro on-sogimin katta ja-pangna Sastroo donggipa gimikkon poraianichi Sastroko poraina nanga (“iano on-tisa, aro uano on-tisa”) aro ning-tubate ma-sina pilak podrangko tosusae poraina nanga. Sastroko an-tangan an-chingna aganchina on-na nanga. Jensalo iako dakon, bebeko pangnan rongtale ma-sigen. Indakesa Jisu sakgni sninggiparangko Emmauschina dakanggipa ramako re-angmitingo Uan chong-mot Messia ong-a ine bebera-atna man-aha (Luk 24:27).

11. Sastroko poraianara an-chingna maiko dakna man-a?

2 Timothy 3:15 *Aro Kristo Jisuo donggipa bebera-achi nang-ko ong-atna amgipa, ine na-a u-ia.*

U-IE RA-ANI: Sastroni kattarang an-chingko Isolni dal-gipa janggi jokatna miksonganiko u-ie ra-na dakchaka – nangchongmotgigpa u-iataniko signigipa janggirangna on-aha.

12. Jisuni aganani gita, bano an-ching bebeko man-na ama?

Johan 14:6 *Jisu una aganaha, “Angan rama, aro bebe, aro .”*
Johan 17:17 *Nang-ni bebe ong-a.*

U-IE RA-ANI: An-ching bebeko Isolni Kattao chong-motan Sastroo man-a. Da-ororoni a-gilsako bebeko on-titisan man-na ama aro iani giminsa a-gilsakni manderang saknaenga. Pilakni gimin bebe ong-aniko Sastroo man-na ama. Uni ku-pattianiko poraie ugita ja-rikonio manderangko jakgitel ong-ata (Johan 8:32) aro uamangna kusi ong-aniko chong-motan janggi tanganio chu-sokaniko ra-bara (Johan 15:11).

13. Sastroko poraianio maidakgipa mikrakatanirangko Sastroni kattarangko on-aha?

2 Timothy 2:15 *Bebeni kattako kratchaani donggija, gamgipa Isolna an-tangko nama ina man-gipa ine mesokna gisik nangbo.*

2 Pitor 3:16 *Uni pilak chittirangoba, ... uarango u-ininggijani gnanng, jerangko u-igija aro tom-tomgijagiparang gipin Sastrorangko gita an-tangtangko*

U-IE RA-ANI: “Bebeni kattako sronge dake” ine miksonganide uko tiktak dake bebeo pe-e aganbo. Sastroni kattarangko an-tangtangni namnikani gita skatang pe-e agananiao dal-bea kenani donga. Sastroni gimin anga maiko agana uko chone ra-a. Maiko an-tangni gimin Sastro agana uasa nangchongmotgipa ong-a.

14. Maikai an-ching pilak toromni skianirangko aro bebera-anirangko chekna nangchongmota?

Watatarang 17:11 *Iamang kattako namnikbee ra-chake ong-ja*
ine salanti Sastroniko am-e nie chanchiachim.

Isaia 8:20 *aro ! ia katta gita uamang aganjajode,*
beben uamangna mamung dongja.

U-IE RA-ANI: Toromni pilak skianirangko Sastrochi chekna nanga. Je skianian Sastroni gita rongtale meliani dong-jaode, ian tol-gipa ong-a aro wate galsrangna nanga.

LESSON 7

15. Jensalo Jisu An-tangni ka-begipa sakgni sninggiparangna Emauschina dakanggipa ramako re-angmitingo Sastroni gimin talate on-aniko dakon mai ong-aha?

Luk 24:32 *Ramao an-chingna aganmitingo, Sastroni ortoko an-chingna mesokmitingo, an-chingni* ?

16. Jisu tangchapilaha ine ia sakgni sninggiparang u-iahaon aro Uni katchinikgiparangni gimin talataniko on-on, uamang maiko dakaha?

Luk 24:33 *Aro uamang ua kontaon chakate Jerusalemona aro sakchisa aro uamang baksagiparangko nikaha.*

U-IE RA-ANI: Jisuni Sastroni gimin talataniko ia sninggiparang knaani ja-mano uamangni skanggipa dakna skanide sakgipinrangna nama kattako سوالنا skanian ong-aha. Chinga ka-donga ian na-simangni ripengrangko Sastroko poraina okamna skaniba ong-gen.

NANG-NI AGANCHAKANI

Na-a Sastroko chu-gimikan ma-sina aro ugita ja-rikna skama?

AGANCHAKANI:

PORAIDAPANI

Kamao mesokgipa kattarang Sastroni katchinike agananirangni miksonganiko mesoka. Mesokani mingprakan chong-mot miksongani baksa apsan melia.

Sa-gre = Nama Kattako Agangipa

Daniel 8:16; 9:21; Luk 1:19, 26; Ibrirangna 1:14

Babylon = Tol-gipa Torom Skiani / Bilding bildang ong-ani

Abachenga 10:8-10; 11:6-9; Parape-a 18:2, 3; 17:1-5

Matburung = Songnok / sorkari / sason ka-ani bil

Daniel 7:17, 23

Pita = Isolni Katta

Johan 6:35, 51, 52, 63

Sal = Bilsi

Ezekiel 4:6; Chanani 14:34

Drakon = Satan ba uni sa-grerang

Isaia 27:1; 30:6; Git. 74:13, 14; Parape-a 12:7-9; Ezekiel 29:3;

Jeremia 51:34

Mikking = Gisik

Romrangna 7:25; Ezekiel 3:8, 9

Jak = Kam

Aganpraka 9:10

Dari Me-chik= Tol-gipa mondoli / Torom

Isaia 1:21-27; Jeremia 3:1-3, 6-9

Skorang = Mongsonggipa bilrang / sason ka-giparang / sorkarirang

Parape-a 17:3, 9, 10

Grong = Raja ba songnok

Daniel 7:24; 8:5, 21, 22; Zekaria 1:18, 19; Parape-a 17:12

Mes Bi-sa = Jisu / boli

Johan 1:29; 1 Korinthirangna 5:7

Chakki = Isolni Katta

Gitrang 119:105

Singho = Jisu Kristo

Parape-a 5:4-9

Chin = Chin ba ra-chakani ba ra-chakgijani mohor

Ezekiel 9:4; Romrangna 4:11; Parape-a 13:17; 14:9-11; 7:2, 3

LESSON 7

A-brirang = Sason Ka-ani ba torom-sason ka-ani bilrang

*Isaia 2:2, 3; Jeremia 17:3; 31:23; 51:24, 25; Ezekiel 17:22, 23;
Daniel 2:35, 44, 45*

To = Gisik Rongtalgipa

Zekaria 4:2-6; Parape-a 4:5

Gitchak = Pap / ong-sia

Isaia 1:18; Nahum 2:3; Parape-a 17:1-4

Rong-brak = Jisu / bebe ong-ani

1 Korinthirangna 10:4; Isaia 8:13, 14; Romrangna 9:33; Mati 7:24

Mohor = Chin ba ra-chakna man-nani ba man-gijani chin

Romrangna 4:11; Parape-a 7:2, 3

Chipu = Satan

Parape-a 12:9; 20:2

Askirang = Sa-grerang / kobor ra-timgiparang

Parape-a 1:16, 20; 12:4, 7-9; Job 38:7

Sal = Jisu / Nama Katta

Git. 84:11; Malaki 4:2; Mati 17:2; Johan 8:12; 9:5

Tonual = Isolni Katta

Ephesusrangna 6:17; Ibrirangna 4:12

Cha-ukok = Rang-gitik Jisuni re-baani

1 Thessalonikarangna 5:2-4; 2 Pitor. 3:10

Somoi = Chong-mot bilsu

Daniel 4:16, 23, 25, 32; 7:25; Daniel 11:13

Chirang = Manderang, jat aro ma-chongrang

Parape-a 17:15

Bokgipa Gandingrang = Cheani / toromi ong-ani

Parape-a 19:8; 3:5; 7:14

Balwa = Dakrika ba dingrika / “dakrikani balwarang”

Jeremia 25:31-33; 49:36, 37; 4:11-13; Zekaria 7:14

Rongtalgipa Me-chik= Chong-motgipa mondoli

Jeremia 6:2; 2 Korinthirangna 11:2; Ephesusrangna 5:23-27

Ong-sigipa Me-chik = Tol-gipa mondoli

Ezekiel 16:15-58; 23:2-21; Hosea 2:5; 3:1; Parape-a 14:4